



Ollscoil Mhá Nuad Maynooth University

Scoil an Bhéarla & An Chomhairle Ealaíon Scríbhneoir Cónaithe 2024

An Ról

Tá Ollscoil Mhá Nuad tiomanta do straitéis ina bhfuil spriocanna bunaidh sin na hOllscoile, barr feabhais sa taighde agus sa scoláireacht agus oideachas den chéad scoth, fite fuaite ina chéile agus an meas céanna orthu.

Cuireann an Chomhairle Ealaíon agus Ollscoil Mhá Nuad fáilte roimh iarratais ó scríbhneoirí atá i lár a ngairmréime agus scríbhneoirí aitheanta le haghaidh Scríbhneoir Cónaithe don bhliain féilire 2024.

Bunaíodh scéim Scríbhneoir Cónaithe na Comhairle Ealaíon chun timpeallacht spreagthach a chur ar fáil don scríbhneoir cónaithe, chomh maith le roinnt tacaíocht airgeadais a sholáthar dó le díriú ar chleachtas an scríbhneora féin. Anuas air sin, cuireann an chónaitheacht fuinneamh agus spleodar leis an ollscoil, agus tugtar deis do na mic léinn teagmháil a dhéanamh le scríbhneoir atá i mbun na ceirde ar feadh dlúth-thréimhse.

Príomhdhualgais

Fostófar an Scríbhneoir Cónaithe don bhliain féilire 2023, beidh sé lonnaithe i Scoil an Bhéarla in Ollscoil Mhá Nuad, agus beidh deis aige dul i ngleic le pobal an champais níos leithne.

Roinnfear an chónaitheacht ina dhá cuid:

1. Ó mhí Eanáir go mí an Mheithimh 2024, tacófar leis an Scríbhneoir Cónaithe chun dul i ngleic le mic léinn agus leis an bhfoireann ollscoile. Déanfaidh an scríbhneoir cónaitheach an clár rannpháirtíochta seo a dhearadh, i gcomhar le foireann na hollscoile, agus d'fhéadfadh go mbeadh teagasc dírithe, ceardlanna, meantóireacht, imeachtaí poiblí nó gníomhaíochtaí eile a chuireann fuinneamh nua leis an gclár scríbhneoireachta cruthaithí mar chuid den chlár sin.
2. Tabharfaidh an scríbhneoir cónaithe 2-4 uair sa tseachtain don MA sa Scríbhneoireacht Chruthaitheach, agus beidh uaireanta oifige breise aige. Is é ceithre uair an chloig in aghaidh na seachtaine an t-uasmhéid ama teagmhála a bheidh ag an scríbhneoir leis an bhfoireann



agus le mic léinn le linn an ama seo. Ní bheidh ar an scríbhneoir curaclam príomhúil a sheachadadh.

3. Ó mhí Iúil ar aghaidh, tacófar leis an scríbhneoir chun díriú ar a chleachtas féin.

Iarrthóirí Incháilithe

Tá an chónaitheacht oscailte do scríbhneoirí atá i **lár a ngairmréime agus scríbhneoirí aitheanta** atá ag obair i bhficsean próis, filíocht, neamhfhicsean cruthaitheach chomh maith le scríbhneoirí atá ag obair ar fhicsean agus filíocht do leanaí.

Le bheith i **dteideal iarratas a dhéanamh**, ní mór d'iarratasóirí:

- A bheith ina gcónaí i bPoblacht na hÉireann.
- Cuntas teiste san fhoilsitheoireacht a bheith acu sna réimsí seo a leanas: ficsean próis, filíocht, neamhfhicsean cruthaitheacht, úrscéalta grafacha agus/nó ficsean agus filíocht do leanaí. Ní ghlacfar le hiarratais ó scríbhneoirí nár foilsíodh sna réimsí sin. Níl scríbhneoirí a oibríonn mar dhrámadóirí amháin incháilithe don chónaitheacht seo.
- **A bheith mar scríbhneoirí atá i lár a ngairmréime nó atá aitheanta.** Chun críche chlár cónaitheachta na Comhairle Ealaíon, déanann an Chomhairle Ealaíon sainmhíniú ar i lár na gairmréime agus aitheanta mar scríbhneoirí a bhfuil cuntas teiste foilsitheoireachta soiléir acu, tar éis dóibh ar a laghad cnuasach iomlán amháin, úrscéal nó leabhar pictiúr a fhoilsiú le foilsitheoir neamhspleách, aitheanta.
- Níl an chónaitheacht oscailte ach amháin do scríbhneoirí nár thug faoi chónaitheacht na Comhairle Ealaíon/ollscoile in 2023. Déantar é seo chun deimhniú gur féidir le raon ealaíontóirí ceann de na deiseanna ar leith seo a fháil.
- De réir Dhualgas na hEarnála Poiblí um Chomhionannas agus Cearta an Duine, tá an Chomhairle Ealaíon tiomanta do chinntiú go dtugtar faoi bhearta beartais dhearfaigh chun comhionannas deiseanna a chur chun cinn do gach duine a chónaíonn in Éirinn, beag beann ar inscne, gnéaschlaonadh, stádas sibhialta nó teaghlaigh, creideamh, aois, míchumas, cine nó duine den Lucht Taistil. Ina theannta sin, tarraingíonn an Chomhairle Ealaíon aird ar an gcúlra socheacnamaíoch mar fhoras eile ina gcaithfear comhionannais deiseanna a chinntiú. Dá bhrí sin, cuireann an Chomhairle Ealaíon fáilte roimh iarratais ó gach cuid de shochaí na hÉireann, na tréithe thuasluaite ina measc ach nach bhfuil teoranta dóibh.

Conas Iarratas a Dhéanamh

Ba cheart do scríbhneoirí na trí cháipéis seo a leanas a chur ar fáil chun iarratas a dhéanamh:

1. Togra mionsonraithe de 1-2 leathanach ina leagtar amach conas a rachfaí i ngleic le mic léinn, leis an bhfoireann agus le pobal an champais níos leithne, mar aon le taithí ábhartha a thacaíonn leis an gcur chuige seo.
2. Ráiteas an ealaíontóra, ar aon leathanach amháin, ina ndéantar cur síos ar an tionchar a bheadh ag an gcónaitheacht ar chleachtas an ealaíontóra.
3. CV mionsonraithe, ina leagtar amach éachtaí agus gaiscí ealaíonta. Níor chóir go mbeadh an CV níos faide ná 3 leathanach.

An Próiseas Measúnaithe



Ar iarratais a fháil, déanfaidh an Chomhairle Ealaíon agus Ollscoil Mhá Nuad cinneadh ar cháilitheacht na n-iarratas.

Measfar go bhfuil d'iarratas neamh-incháilithe agus ní chuirfear é chun cinn go dtí an chéad chéim eile den phróiseas má bhaineann aon cheann de na rudaí seo a leanas leis:

1. Chuir tú an t-iarratas isteach i ndiaidh an spriocdháta.
2. Ní chomhlíonann tú na critéir cháilitheachta a leagtar amach thuas.
3. Ní chuireann tú na trí cháipéis riachtanacha isteach mar a leagtar amach thuas.

Roghnú agus Ceapadh

Ina dhiaidh sin, bunóidh an Chomhairle Ealaíon agus Ollscoil Mhá Nuad coiste roghnúcháin agus beidh ionadaí amháin ó Ollscoil Mhá Nuad, duine amháin ón gComhairle Ealaíon, agus comhalta painéil seachtrach ag a bhfuil saineolas liteartha ar an bpainéal sin. Cuirfidh an coiste roghnúcháin gearrliosta d'iarrthóirí le chéile bunaithe ar na critéir seo a leanas:

- cuntas teiste ealaíonta an iarratasóra
- caighdeán an smaoinimh/chur chuige (tagraítear don mhéid sin thuas), mar atá le sonrú san iarratas, agus an tionchar a d'fhéadfadh a bheith ar roinn ábhartha na hollscoile agus ar an ollscoil ar an iomlán.
- an tionchar féideartha a d'fhéadfadh a bheith ag an gcónaitheacht ar chleachtas cruthaitheachta an scríbhneora féin

Bunófar gearrliosta (ní bheidh níos mó ná ceathrar scríbhneoirí air).

- Ní thabharfar cuireadh ach d'iarrthóirí a chuirfear ar ghearrliosta freastal ar agallamh.
- Táthar ag súil go dtionólfar na hagallaimh ag tús mhí na Nollag 2023.
- Reáchtálfar na hagallaimh trí ghlaoch físchomhdhála.
- Ceadóidh an tUachtarán na ceapacháin bunaithe ar thuarascáil an bhoird roghnúcháin
- Déanfaidh an painéal an cinneadh deiridh bunaithe ar na critéir thuasluaite agus cuirfear cinní in iúl i mí na Nollag 2023.
- Táthar ag súil go dtiocfaidh an ceapachán i bhfeidhm ón 1 Eanáir 2024.

Dámh agus Institiúidí Taighde

Tá Dámh na nEalaíon, an Léinn Cheiltigh agus na Fealsúnachta comhdhéanta de Ranna na Sean-Chlasaicí, na Staire, an Cheoil, na Fealsúnachta, Scoil an Léinn Cheiltigh (Luath-Ghaeilge agus Nua-Ghaeilge), Scoil na Nuatheangacha, na Litríochtaí agus na gCultúr, agus Scoil na Nuatheangacha, na Litríochtaí agus na gCultúr (an tSínis, an Fhraincis, an Ghearmáinis agus an Spáinnis). Is é ról na Dámhe comhordú a dhéanamh ar ghníomhaíochtaí acadúla na ranna éagsúla, maoirseacht a dhéanamh ar fhorbairt straitéiseach na ranna agus tacú le cláir idir-rannacha. Tá roinnt institiúidí idirdhisciplíneacha ceaptha ag an Ollscoil chun tacú le taighde den scoth agus chun cumas taighde a fhorbairt sna disciplíní ar fad. Is é ról na Dámhe comhordú a dhéanamh ar ghníomhaíochtaí acadúla na ranna éagsúla, maoirseacht a dhéanamh ar fhorbairt straitéiseach na ranna agus tacú le cláir idir-rannacha. Tá roinnt institiúidí idirdhisciplíneacha ceaptha ag an Ollscoil chun tacú le taighde den scoth agus chun cumas taighde a fhorbairt sna disciplíní ar fad, lena n-áirítear Institiúid na nEalaíon agus na nDaonnachtaí.

An Roinn



Tá sé bhall foirne déag lánaimseartha ag Roinn an Bhéarla Ollscoil Mhá Nuad agus cuireann sí cúrsaí fochéime agus iarchéime ar fáil bunaithe ar a láidreachtaí taighde atá aitheanta go hidirnáisiúnta i litríocht an Bhéarlóra agus i litríochtaí eile ó thréimhse na nua-aoise luaithe go dtí an lá atá inniu ann. Tá an staidéar ar litríochtaí an Bhéarlóra thar thréimhse na nua-aoise luaithe agus nua-aoise chun tosaigh i misean na Roinne le fada an lá. Tá sé mar aidhm againn eispéireas foghlama spreagúil agus tairbheach a chur ar fáil dár mic léinn. Tá ár léachtóirí atá aitheanta go hidirnáisiúnta tiomanta chun ligean do mhic léinn a gcumas iomlán a bhaint amach mar léitheoirí, scríbhneoirí, agus criticí, agus mar shaoránaigh de dhomhan casta. Tá ár sraith fhairsing de chroí-mhodúil agus de mhodúil roghnacha i litríochtaí an Bhéarla agus an Bhéarlóra ag leibhéal BA curtha le chéile go cúramach chun eolas, inniúlachtaí agus dúshláin an disciplín chomh maith le scileanna tábhachtacha inaistrithe a chur ar fáil d'fhoghlaimoirí. Ag leibhéal iarchéime, cuireann an Roinn clár MA múinte ar fáil, "Literatures of Engagement", atá tiomanta d'áit na litríochta sa domhan a fhiosrú, clár MA mhúinte sa Scríbhneoireacht Chruthaitheach, chomh maith le clár PhD struchtúrtha.

An Ollscoil

Is ollscoil faoi leith í Ollscoil Mhá Nuad, institiúid choláisteach atá dírithe ar an eolaíocht agus ar an innealtóireacht, ar na daonnachtaí agus ar na heolaíochtaí sóisialta, agus chomh tiomanta céanna don taighde, don teagasc agus do rannpháirtíocht sa phobal. Suite san aon bhaile ollscoile in Éirinn, cuireann stair agus oidhreacht uathúil an bhaile go mór le carachtar agus le féiniúlacht na hinstitiúide. Cuirtear oideachas ar ardchaighdeán ar fáil do bhreis is 13,500 mac léinn ar an gcampas, áit a bhfuil fréamhacha an 18ú haois agus fuinneamh an 21ú haois araon ag baint léi.

Ó bunaíodh Ollscoil Mhá Nuad mar ollscoil phoiblí neamhspleách 25 bliain ó shin, tá forbairt shuntasach straitéiseach agus éachtaí as cuimse déanta aici, rud atá ina údar iontach mórtais ag baill foirne, ag mic léinn, ag céimithe agus ag pobal na hOllscoile araon. Aithnítear Ollscoil Mhá Nuad anois i measc na bpríomhollscoileanna óga is fearr ar domhan, agus í sa chéad áit sa liosta is déanaí de 'na hOllscoileanna Óga is Fearr' sa bhliain 2022, atá foilsithe ag Times Higher Education (THE). Tá an deacháil atá ar Ollscoil Mhá Nuad ar fud an domhain bunaithe ar an nuálaíocht, an caighdeán, an tábhacht agus tionchar a cuid taighde agus scoláireachta, an tiomantas don oideachas agus don fhoghlaim, caighdeán na gclár acadúil, agus an cheannaireacht atá léirithe aici chun an rannpháirtíocht san ardoideachas a leathnú. Is iad tiomantas na mball foirne agus fuinneamh agus rannpháirtíocht na mac léinn is cúis leis an rath seo atá ar an Ollscoil.

Is áit í Ollscoil Mhá Nuad a bhfuil roinnt codarsnachtaí ag baint léi - institiúid nua-aimseartha, dhinimiciúil atá ag fás go tapa agus í dírithe ar an taighde agus í rannpháirteach, ach tá sí fréamhaithe freisin sna buanna acadúla agus sna traidisiúin léinn. Cuireann an Ollscoil réimse leathan clár fochéime, iarchéime agus dochtúireachta ar fáil do bhreis is 15,000 mac léinn sna daonnachtaí, san eolaíocht agus innealtóireacht, sna heolaíochtaí sóisialta, lena n-áirítear an gnó, an dlí agus an t-oideachas. Cuireann an Ollscoil réimse leathan de chlár agus de chomhpháirtíochtaí idirnáisiúnta ar fáil chomh maith.

Cothaíonn an cultúr uathúil comhghleacúil atá le fáil in Ollscoil Mhá Nuad cur chuige idirdhisciplíneach i leith an taighde, cur chuige a chuireann ar chumas na foirne acadúla dul i ngleic le cuid de na dúshláin is mó atá le sárú ag sochaí an lae inniu. Daingníonn institiúidí agus ionaid taighde na hOllscoile tionchar na hoibre sin, trí phobail bhríomhara foghlama, fionnachtana agus chruthaitheachta a chothú. Bíonn an taighde ag croílár an teagaisc san Ollscoil freisin, agus is ábhar bróid don Ollscoil é go bhfuil a misean taighde agus teagaisc ar comhchéim san institiúid.

Prionsabail agus Luachanna

Tá Ollscoil Mhá Nuad tiomanta do na luachanna seo a leanas:

- Críochnúlacht i gcúrsaí léinn;
- Saoirse acadúil;



- Ionracas agus iompraíocht eiticiúil;
- Coláisteacht, trédhearcacht agus iontaobhas;
- Comhionannas, ionchuimsitheacht agus ceartas sóisialta;
- Feabhas oibríochtúil, solúbthacht eagraíochtúil agus freagrúlacht;
- Dínit, meas agus cúram don duine aonair.

Straitéis 2018 - 2022

Is le tréan muiníne a ceapadh Plean Straitéiseach na hOllscoile 2018-22. Is ollscoil í Ollscoil Mhá Nuad a bhfuil uaillmhian, fíis agus luachanna aici, chomh maith le féiniúlacht agus aidhm shoiléir. Tá go leor spriocanna bainte amach cheana féin aici, agus an chosúlacht ann go mbeidh an-rath uirthi amach anseo. Tógann an Plean Straitéiseach ar an méid atá bainte amach go dtí seo ag an Ollscoil, agus díritear fuinneamh institiúideach agus acmhainní ar fhorbairt bhreise a dhéanamh ar an taighde agus ar an oideachas iarchéime.

Chun tuilleadh faisnéise a fháil, téigh chuig <https://www.maynoothuniversity.ie/about-us/university-strategic-plan>

Dlí Cosanta Sonraí

Is de réir an Rialacháin Ghinearálta maidir le Cosaint Sonraí agus na nAchtanna um Chosaint Sonraí 2018 a próiseáil Ollscoil Mhá Nuad cibé sonraí pearsanta a sholáthraíonn tú maidir le d'iarratas ar an ról seo.

Má éiríonn le d'iarratas agus má ghlacann tú le tairiscint fostaíochta in Ollscoil Mhá Nuad, leanfar ar aghaidh le do chuid sonraí pearsanta a phróiseáil de réir Fhógra Príobháideachta Foirne Ollscoil Mhá Nuad.

Is féidir féachaint ar na fógraí príobháideachta agus eolas breise maidir le cosaint sonraí, lena n-áirítear beartais agus próisis eile um chosaint sonraí de chuid Ollscoil Mhá Nuad, ag <https://www.maynoothuniversity.ie/data-protection>

Comhionannas agus Éagsúlacht

Is mór ag Ollscoil Mhá Nuad an saibhriú a thagann le pobal ilghnéitheach agus féachaimid le comhionannas a chur chun cinn, le leatrom a sheachaint agus le cearta daonna an uile dhuine a chosaint. Chun tuilleadh eolais a fháil ar ár dtiomantas don Chomhionannas agus Éagsúlacht, is féidir [Polasaí Comhionannais agus Éagsúlachta](#) Ollscoil Mhá Nuad a léamh. Lena chois sin, mar institiúid a bhfuil [Athena SWAN Bronze Award](#) bainte amach aici, tá muid tiomanta do chur chun cinn an chomhionannais inscne ar fud na hOllscoile.

Féachaimid le héagsúlacht an phobail sin a riaraimid air a léiriú agus fáiltimid roimh iarratais ó chách, go háirithe ó dhaoine atá faoi ghannionadaíocht i bhfoireann na hOllscoile.

Téarmaí agus Coinníollacha

Is é campas Ollscoil Mhá Nuad, Maigh Nuad, Co. Chill Dara an áit oibre.

D'fhéadfadh go mbeadh grinnfhiosrúchán nó imréiteach Garda ag teastáil ón Ollscoil.



Táille

Is é €30,000 an táille don Scríbhneoir Cónaithe, le ranníocaíocht €20,000 ón gComhairle Ealaíon agus ranníocaíocht €10,000 ón ollscoil féin. Cuirfidh Ollscoil Mhá Nuad spás sonrach ar fáil don Scríbhneoir Cónaitheach, áit a mbeidh sé in ann tabhairt faoina chleachtas cruthaitheach féin ar champas na hollscoile. Chomh maith leis sin, tacóidh Ollscoil Mhá Nuad leis an gcónaitheacht ó thaobh cúrsaí riaracháin de.

Tabharfaidh an Chomhairle Ealaíon táille iomlán don scríbhneoir go díreach. Íocfar an táille ina dhá tráthchuid, agus scríobhfaidh an scríbhneoir tuairisc dheiridh ag deireadh na cónaitheachta.

Spriocdháta:

17:30 (am na hÉireann) **Déardaoin an 9 Samhain 2023.**

Tabhair d'aire nach mór gach iarratas a dhéanamh tríd an **Tairseach Earcaíochta Ar Líne** ag an nasc seo a leanas:

<https://www.maynoothuniversity.ie/human-resources/vacancies>

Ní mór iarratais a chur isteach faoin dáta deiridh agus faoin am atá sonraithe thuas. Aon iarratas atá fós idir lámha ag an am dúnta ar an dáta deiridh, cuirfidh an córas ar ceal go huathoibríoch iad.

Ní ghlacfar le hiarratais dhéanacha.

Is fostóir comhdheiseanna í Ollscoil Mhá Nuad.

Tá an post faoi réir Reachtanna na hOllscoile.

